

藏經書院版

卅
續藏經

第 92 冊

中國撰述

大小乘釋經部

新文豐出版公司
印行

南無本師釋迦牟尼佛



卍續藏經第九十二冊目錄

新文豐出版公司影印卍續藏經會編印

中國撰述 大小乘釋經部

大寶積經述一卷	唐徐鍇撰	0001
維摩經疏記鈔卷四及五	唐道暹私記	0003
維摩經疏料一卷		0031
金光明經科註四卷附金光明經感應記一卷	明受汰集	0064
佛頂尊勝陀羅尼經釋一卷附尊勝佛頂真言持念法一卷	清續法釋	0146
金剛經口訣一卷	唐慧能說	0163
金剛經采微料一卷	宋曇應排	0165
金剛經采微二卷	宋曇應述	0171
金剛經采微餘釋一卷	宋曇應述	0227
銷釋金剛經科儀會要註解九卷	宋宗鏡述	0235
金剛經註解鐵鍍鉛二卷	明屠根註	0449

wt170/02

金剛經補註二卷	明 韓殿 集解	0506
金剛經正解	清 龔概 綵註	0559
金剛經法眼懸判疏鈔九卷	清 性 起述	0598
金剛經法眼註疏二卷	清 性 起述	0661
金剛經如是經義二卷	清 行 敏述	0707
金剛經註講二卷	清 行 敏述	0750
金剛經闡說二卷	清 存吾 闡說	0811
金剛經解義二卷	清 徐槐廷 述	0829
金剛經易解二卷	清 謝承謨 註釋	0883
般若心經事觀解一卷	清 續 法述	0930
般若心經理性解一卷	清 續 法述	0946
般若心經如是經義一卷	清 行 敏述	0953
般若心經註講一卷	清 行 敏述	0959
般若心經句解易知一卷	清 王澤注 註解	0965
般若心經解義一卷	清 徐槐廷 解義	0976

般若心經註解 一卷

清敬 止撰

0984

般若心經易解 一卷

清謝承謨註釋

0988

大寶積經述

唐朝議郎行河南府告成縣主簿徐鏐撰

夫日月出矣而輝耀十方。時雨降矣而澤灑萬物。況我身常樂湛。虛空之相。妙覺圓明。融心行之本。唯噉唯味。不生不滅者哉。是以闢無學之地。聿修迦闍。啓息言之津。宣作羅柰。智勝菩薩起方便之緣。淨居天人發成就之力。稱謂所絕者。其第一義乎。自恆星夜掩。仙虹晝燦。青鉢傳其眸容。寶棺現其金臂。法山摧仰。拂魔箭於危屏。直水橫流。繫慈航於彼岸。鳥摩妙藏。不可以常祕。戒輪不可以終蓋。雖雙林下。若示於泥洹。逮一千年。遙被於聲教。龍持貝葉。感傳摩竭之城。象負蓮華。遂滿眞丹之境。三十七品。慈悲於火宅。一十二經。引喻於沙界矣。大寶積經者。後漢迦葉摩騰。竺法蘭及今朝立裝法師。菩提流志等。咸自西天竺所致也。如來昔在鷲峯。利建平等金口。注海酌之而不竭。寶言如綸。振之而有緒。爛茲瑞憲。久翳鴻都。原堅屢非市朝多變。歷代徇齊之主。競興參譯。跋陁授記之言。罕能不就。洎我唐之有天下也。功橫鐵國。

化緣切利。苑禦千界。提封萬剎。張四攝之扉。廣納諸有。騁六道之驥。冥濟羣惑。太上皇以澤深智海。掌耀禪珠。神皇帝以勛格梵空。冒懸法印。肅敷玄誥。照灑鴻波。歷選縉徒。明敷列寮。博考同異。聿興刊輯。勇振類綱。嚴持絕紐。爰有沙門大德思忠。東天竺國婆羅門大首領臣伊舍羅等。譯梵文者。求善住緣。悟無生忍。博聞強識。精而譯之。復有沙門波若。屈多沙門達摩。證梵義者。開忍辱場。破煩惱衆。窮諸神侶。明而辨之。復有沙門大德履方。宗一普敬。慧覺等。筆授者。令聞孔膠。威儀不忒。手握仙札。受而字之。復有沙門大德深亮。勝莊。塵外無著。慧迪等。證義者。國之大師。佛之右臂。探諸了義。演而證之。復有大德沙門承禮。雲觀。神陳。道本等。次文者。庇影多林。息肩香窟。勤修精進。纂而次之。復有潤文官者。銀青光祿大夫。鄒王傳上柱國。固安縣開國伯盧。聚銀青光祿大夫。太子詹事。崇文館學士兼修國史。上柱國東海縣開國公徐堅。朝議大夫。守中書舍人。崇文館學士。上柱國舒王縣開國男蘇晉。朝議郎。給事中。內供奉崔瑒等。

位列鳳墀。聲流雞圖。分別二諦。潤而色之。復有銀青光祿大夫守侍中兼太子左庶子兼修國史上柱國鉅鹿縣開國公魏知古兵部尚書上柱國郭元振銀青光祿大夫檢校中書令上柱國范陽縣開國男張說銀青光祿大夫行中書侍郎同中書門下三品監修國史上柱國興平縣開國侯陸象先等朝踐瑣闥。夕游珠域。護持四法。總而閱之。爾乃杖錫之士。端珪之俊。麻列定筵。林攢樂土。蔭祥雲而演譯。煥炎涼。吸甘露而勤求。載淹衡畧。大乘章句。義不唐捐。小品精微。拯無遺溺。能事畢矣。佛何言哉。今所新翻。經凡有四十九會。七十七品。合一十二帙。以類相從。撰寫咸畢。以先天二年六月三十日。進太上皇八月二十一日。進皇帝。禁闈曉闕。眞教上聞。仙宇克怡。宸襟允穆。竦鈞陣於白日。親御靈臺。落雲雨於彤霄。荐加殊尉。賢愚稽首。以爲利見仁王。眞俗歸心。以爲潛登覺道。次有清信佛弟子前少府監丞李式。顯等。皇朝金紫光祿大夫兵部尚書贈侍中隴西公迥秀子也。復有清信佛弟子前右拾遺徐鎬等。皇朝銀青光祿大

夫太子賓客昭文館學士高平公字也。咸屬彼穹降。闢私門。墜構陟迤岵。而崩心瞻冥途。而獻福於是。肱篋探筍。檀波羅蜜。廣疊簡牘。首崇書寫。不變槐火。遞盈苦帙。然後裝之。鏤軸綴以瓊籤。羅綵簾而覓舒。播珠函而錦縛。方使猛風吹嶽。長存拓路之文。劫火燒天。不壞多羅之典。

維摩經疏第四

中卷

傳法弟子僧 道還 私記

第十二

記云全從因訶者約修行道邊也

記云一切並具者居士俗衆具三教機若一音異解須兼於藏故云一切也

記云故須兼通等者以疏中約純圓釋雖純約圓仍分三教圓是正意故云兼等二教接通故云入圓胡豆者緣豆也

記云勸勿忘本者本者實意云只可深求其實五義引機是其正意故云本也如水不澄清者合譬云由小乘見思風息真諦之波覺靜波離覺靜水由未清量令實相之珠不現念報佛恩者佛恩大故彌須報之依毗曇至生空者意云由生空即是法空故不別立法空如須陀洹人既破人我五陰實法豈可不空故涅槃空猶是法空者此證法空通於圓極何況通別邪如實棒指者實棒指喻藏生法鏡中像棒指喻衍門二空是字不住不住有四句亦不住不住無

四句卽三空文也

記云凡諸法字者心及諸法卽是所破法性是能破故云分別也又心是能執之心法是所執之法也

記云義通權實者三爲權圓爲實

記云義難者通於四教真殊者一俗隨三真也

記云利中圓者別教望圓教是利中故一切法趣我見等者謂十六知見故云等也

記云覆淺從深者只是且從通中利根菩薩得入中道見法性者說耳故云從深若覆深從淺復通復通教當教入真故云一音通被也不卽六法者若執五陰神我是有是無等只是生死之法名爲不卽達六法卽法性故不離也花嚴云至造者造名由附方便教說若大乘極說應云皆由心變變有二種一者同體變二者異體變譬如波水云云又如濁水清水洗物喻於四教用智不同物體未曾有二云云勝天王云自相空者彼經第二云菩薩摩訶薩行般若波羅蜜如實智力空無畏空不共法空戒聚空定聚空慧聚空解脫聚空解脫知見聚空空第一義空而空相

不可得不取空相不起空見自相空故菩薩行般若波羅蜜遠離諸相不見內外相離戲論相離分別相離求覓相離貪著相離境界相離攀緣相離能知所知相無二無別自相離故即陰離陰者全是法性衆生自離圓人觀之全是法性故名爲即約三教觀之其義自顯也是體法我空者體言通三現文在圓也法性尙無者法性如虛空體不可得故

記云此非獨圓者意云文中不約七方便爲雙非者由通三教故且置之

記云即彼能空者小乘三空俱名能空矣

記云行者察之者今依三慧以觀察之消者了之者文釋從圓教意兼衍三教部意者部雖合四部意在圓常須知之

記云若論通相者此即通途之通通於四教故

記云謂無爲性此即不可者意云若定執此無爲謂之者有則成性計只可達無即性有而不有能所並亡故云理必然也相待之惑至所存者言惑既細者小乘二空展轉相待由計能所全是障中無明故云

細也言乃至者如以法空待於生空平等待於前二故云乃至所存等也故平等法亦是空者此明衍門一空即具三空故云亦是空也

記云雖因共乘者只是衍門一俗隨三眞耳六因者所作因者不碍於他相應因者心心數法同相同緣以心心法共相應故以心相應爲因名相應因如親友知識和合成事共因者一切有爲法各共生因以共生故更相佐助如兄弟同生互相成濟自種因者過去善法與現在善法爲因現在善法與未來善法爲因惡無記亦爾一切各有各有自種因遍因者苦集諦下十一遍使名爲遍因報因者行善惡因得善惡報名爲報因四緣者如上五因名爲因緣心心數法次第無間相續而起名次第緣心心數法託緣生故名爲緣緣諸法生時不生障礙名增上緣

記云並是能成者且如受戒一法三師七證名爲有力壇邊看人名爲無力即能成也受戒之人即可成故一切類此法性之中無此等故

記云隨緣應物爲懷者隨偏圓機逗會也不見有能

觀之智者謂全法性是能觀法性。復全是所觀之法性。故云無異。也不爲四邊者。若外計即以四見爲四邊。佛教即以四門生著爲四邊也。又邊卽中。故名不動。中入邊。故義當爲邊所動也。動搖二字去。呼謂自動。爲搖。爲他所動。卽平呼之。

記云。以著二中之無者。只著磨著。離於二著。中專是著。離離卽是小乘無爲之法也。著磨如鐵鑲著。離如金鑲矣。

記云。問言不住。只是去來者。他人云。不住只是去來了。因他此釋。故有此問。

記云。二乘有去有住者。去生死住涅槃。故衍門明義等者。若圓教修三三昧。如云智者見空及與不空。此空不空。亦名中道。若見此空。卽見佛性。卽是觀無明四句。不可得一空。一切空。不見四門分別之相。非緣非真。無諸所作。別教從假入空。證眞諦。名空三昧。知空非空。出假化物。無復空相。名無相三昧。進隨中道。無中邊相。亦不求中邊名。無作三昧。通教觀苦集皆如幻化。卽空門。知空無空相。名無相門。旣無能所。誰

作空觀。名無作門。旣無作者。誰起願求。二名無願。

記云。理爲本宗者。內實慧契於法性。故名復宗。前諸文上。應文文之後。皆云復宗。但是略耳。

記云。雖同他有者。以方便慧同衆生有。卽是以無所受。而受諸受。則是自常同理。復令他契理也。

記云。俱有生。死者。廣疏云。法性無可愛果及涅槃之好。無不可愛果及生死之醜。也可愛果是人天果。不可愛果四趣果也。

記云。應修門故者。只是修行門耳。無離文字說解脫相者。實慧解脫也。文字性離。卽眞性解脫也。解脫卽諸法方便解脫也。

記云。今那云四四理如幻者。意云。前但云一俗如幻。今那云四理亦如幻耶。

記云。況十六門至利鈍者。有門入鈍。空門入利。餘二門傳傳相形。以論利鈍。衍門三教傳傳相形。亦爾。三悉入鈍。第一義入利也。說法有滯者。不知根緣。卽是有滯。

記云。被俗之慈悲者。但是衆生緣慈悲耳。

記云。花嚴人法處者。彼經云。菩薩不爲一人發菩提心。乃爲法界衆生等。不爲一人學一法等處。謂國立亦爾。

釋迦葉章

記云。寄大因果者。詞意云。汝應爲究竟不食。故而行乞食。行乞是因也。

記云。乞食門者。行乞須用無緣慈悲心也。或因智大等者。准法花疏。具七大義。一捨大謂捨家業。金色婦身披無價寶衣。裁爲僧伽梨。四疊奉佛。二受大謂受佛大衣。三行大謂頭陀。逾老不捨等。四印可大謂吾有四神三昧等。五信大謂於千二百四大弟子。中大五山寺主作闍浮提知事。上座六結集大。謂集三藏四阿含等。七住持大。謂頭陀爲四衆依止。荷負佛法。令得久住等。今文三大。初及僧事。卽位大次。卽行大。第三因心慈悲。卽印可大。辟支此云。因緣迦羅。此云覺也。智勝根利者。以根利故。於一座中。頓斷三界見思。於無漏心中。次第無間。先用十六心。斷見一百六十二心。斷九地思惑。以一品思惑皆用一無碍道斷。

今破顯知次

解脫道證。故都成一百七十八心。故一約半字事理者。法花疏中。半滿二教。皆先約事釋。次約理釋。今如彼解。恐人謬作觀行消經者。夫消經勢。教正觀。傍故斥不許一向耳。乖於佛旨者。佛意但令稱機有益。卽是頭陀之行。不論貧富難易。故也。捨道法者。謂一等出觀。隨於散心。捨滅諦之理。何不普乞一呵乞食心。非者。初要心。只擬向於貧里。故非也。昔心所契者。謂破苦斷集。隨道證滅。卽所證契也。苦集道三者。昔已破。竟如何乞食。更云爲破苦集等耶。故云事果。乖心本有滅諦者。迦葉但得偏真滅理。未得本有三德之理。爲此義。故置不能普次。第心中應行者。只是剎那剎那心中行耳。次第行等者。大論第八十七問。次第行等有何差別。答有云。行名布施。學名持戒。道名智慧。又行名持戒。學名禪定。道名智慧。又行名正語。正業。正命。學名正精進。正念。正定。道名正見。正思。惟由本垂迹者。菩薩依本實相之理。隨事次第行乞名。此次乞爲垂迹也。食因已亡者。煩惱爲食。因若煩惱未盡。食亦不亡。煩惱亡盡。故食亦亡也。有食有命等。

者由食故。命存故。身安。身故。道立。一切自住者。謂因緣和合所成之法。因不知緣。緣不知因。故云自住也。

記云。二者無空分別者。責其無真諦。空心分別。良由捨定出散故也。

記云。今以事理者。只是不能。卽事見理耳。

記云。猶見不殊。凡俗者。只是同凡見青黃等見。

記云。旨非盡理者。意云。譯人著如盲之言。從成語質。若例如響。如應云。所見如幻。炎方爲盡理。

記云。如盲語局者。但所見色與盲等。故成局也。旣云不見三聚。故云通也。又如盲唯在於肉眼。不見具舉五眼。故云通也。大品至不見三聚者。彼經第廿一云。須菩提。白佛言。世尊。若佛以五眼觀。不見衆生生死。中可度者。今世尊云。何得阿耨多羅三藐三菩提。分別衆生有三聚。正定邪定不定。須菩提。我得阿耨多羅三藐三菩提。初不得衆生三聚。以衆生無法相。我以除其妄著世間法。故大論第八十四釋曰。若無法無衆生云。何說有三聚衆生。佛答我觀衆生。一聚不

立疑五

可得云。何有三。但爲知破顛倒者。名正定。必不能破者。是耶。定得因緣能破。不得不能破。是名不定。皆以世俗法。故說非最第一義。立眼清淨等者。肉大見十界麤細。慧見二乘法界。卽畢竟空法。見菩薩法界。卽不思議。假佛見佛法界。拔四趣與人。拔人與天。拔天與二乘。拔二乘與菩薩。拔菩薩與圓極云云。雙遊眞俗者。中道雙照。卽俗而眞。眞而俗。故曰雙遊。也不見趣者。謂不見俗與非趣者。謂不見中云云。佛說八解者。身子依佛教。語得八解。在身應用爲食。何意出觀而念世間雜欲之食。以證迦葉亦如身子是。故被訶耶。正雙遊者。自行則達耶。相卽正相化他。則以正入耶。令耶卽正。故曰雙遊。魔禪鬼定者。從魔加鬼。加得定故也。猶是正禪者。以根本四禪佛弟子亦證。故云正也。耶不妨正者。中道雙照。邪正二邊。卽三諦三昧。雙遊二諦者。卽寂而照。名眞法喜。卽照而寂。名眞禪。悅故曰雙遊。以一食者。食體也。施一切者。食用也。謂施十法界衆生。十方法界國土中賢聖也。言供養者。想此食體。卽是法界能運之心。體同虛空。供養遍

法界別相三寶名爲卽真而俗達此三寶一一塵坐色一一毛孔互融入無非遮那三德秘藏卽是供養一體三寶名爲卽俗而真又理觀者達此食色香味等卽是法界名理法寶能達之心亦卽法界性同虛空名理佛寶境智和合名理僧寶此一體三寶上宜別相下契機理則是供養諸佛及賢聖復得名爲卽真而俗故花嚴舊疏云一平楞相收卽是一一無非法界故二廣狹相收卽是大小相入互融此與雙遊義合大體只是卽理而事而理良由此食體卽法界故爾無上食因者菩薩乞食能爲衆生作無上道因也則彼此俱損者廣疏云若譏迦葉心局謂往貧而乞貧人心重不癢自業卽彼此有利名爲俱益也若往富而祈彼心既輕往乞癢業彼此皆爲損也漸入佛慧者此採取法花意說所以始從鹿苑終至法花名漸入也斯有家名者只此俗家有此名聞大士辨才乃爾也經云不復勸人至支佛行者驗此已冥得生蘇之益雖未顯取而常讚歎大乘之法

第十三

象脩慈心者一切羅漢皆脩四無量心獨有善吉慈云最廣故得別受慈心名也未足動習者以斷正使故但云習只是不能動其無諍空心而已苦加析挫者以計空大所以淨名作悲敬二田析之故云苦加記云此卽得者冥成生蘇之益故云得也初問多依通圓者以幻有卽空卽中經文顯現故知是幻通圓可也問其眞僞者眞卽地住已上僞只是眞諦之空若是聖人者地住已上爲聖人也記云破立皆遍一切諸法者大乘破則遍破不問善吉偏破於有立則遍立有因緣故四悉者四門四理皆可得說不同善吉偏存於空二約理者卽是食法法界界卽五陰也只由觀食見味法界故名食等由食等故故陰界入法等也大論喻利那三相者論第四十一云有爲性三相生住滅無爲性亦三相不生不住不滅有爲性尙空何況有爲法無爲性尙空何況無爲法以是種種因緣性不可得名爲性空俱滅者此約一期報身故云俱滅不壞於身而隨一相者界內一壞隨一不壞隨俱隨眞諦故界外二教亦爾

俱隨於中道故。雙遊明闇者。一約事者。以依佛慧觀。極重麤惡其癡愛之闇全體。即是中道法界。非明非闇之明。以全是故。方曰雙遊。二約理者。觀一念癡愛之心。三千之闇。達此三千。卽空中故。曰雙遊三者。因果能如是觀。卽是因時雙遊證果。滿已示同。凡夫癡愛令盡。無明因成契果。卽是果時雙遊也。

記云。理性相卽者。理性三千與空假中相卽也。

記云。豈可存其事中明闇者。破他釋觀真無闇煩惱無明也。

記云。事理相卽者。觀三千卽空中故也。

記云。恒住事中觀理者。觀理明處。全有無明。亦曰雙遊。

記云。亦無所滅者。理性不除也。故於事中明闇脩三千。卽空中。中三觀照理本有三千故也。

記云。事明闇者。三教惑智名爲事中明暗。以惑智體不相卽。故俱屬事。又此之惑智。全是事境三千也。

記云。是則事闇非闇者。唯觀空中。故理明非明者。全無明是。

記云。明闇理同者。體相卽故。不得出家受戒者。小乘明定慧由戒而生。若無戒者。決不得果。

記云。此更舉果而斥果者。舉大涅槃果。斥小果也。卽無有作諦理者。旣無諦理。則成無果也。上說無作爲何謂也。者廣疏云。若言不見有作四諦。卽無四諦之可見者。上來一一別說。無作四聖諦。若不見四諦。何得有此之說。故言非不見諦意云。恐須菩提內心遮云。若破有作。豈全無有作四諦耶。淨名卽折云。汝若不信。無作四諦。上來已一一歷別說。無作四諦。以示汝竟何得而更不信。故云爲何謂也。

記云。尅如下文者。下文專用圓也。

記云。反以此見而還外道者。論主意云。汝所計有正是破一切法。汝正當大可畏。處如何愛我爲大可畏耶。

記云。遍立一切者。雖然破小入大。留小逗後。亦名爲立也。

記云。一心中具者。明善吉所得。但是中外之法。所以不能於自所得。卽見四理在一心故。

記云無斯證用者善吉既不證四不可說理則無四
悉赴機之用經云非得果者今師將此句釋前句也
何者既無見論即無得果也既有見愛者有見故同
外有愛故同魔即以界外凡鄣等折之經云須菩提
不見佛不聞法者前敬田約法大小名同而意異意
異者意在界外方名敬田今悲亦是名同而義別義
別者別在界外悲田故也又須菩提不見佛下破令
同外道弟子從富蘭那下破令外道是汝之師類同
外道者亦是俱不見中其類同也說於衆生至苦樂
者計云五陰雖生滅受於苦樂而神不生不滅國大
雖有成壞而神不滅故曰自然任運時熟者或計經
二萬劫三萬四五等萬計八萬是最極也定不可改
者外人信有由業亦緣計業定不可破致成邪耳與
耶相似者以外人由四計故不見偏真二乘雖有四
門通入偏真不見中真不見名等故云似也此即破
因者只是不計有因名為破耳計耶因者者計衆法
和合成身名為耶因云云皆有定數者由未冥了義
之說所以各計同於外人餘時不得道者計云佛在

迷途經遠或

世時人即得道佛去世後正像之中無人得道故云
餘時也精徹入者者借此老子之言以成西國發一
切智之相進退難責者進同界外外道退同界內外
道也二可思惟離清淨法者以見惑達理而起不名
爲離思惑附體而生親障於體以障體故不見於體
故云離清淨法若合中道者今正用玄文七重二諦
五重三諦中第五重第六重別教二諦三諦及圓接
別以破善吉也爲此文正約別圓而爲哥詞故不論
別圓接通耳

記云賊義仍存者界內賊雖破界外賊仍存也

記云別教教道猶不免障者別人住破內難行破外
難具用折體及無量故則成有難無難望於登地地
前俱名為難以未見中二觀仍拙是則登地及圓方
名無難文中云巧用正觀者正是圓教菩薩也

記云又前二事理者雖破界內事八難良由不能住
於內外八難體達即中而能無難以此望圓俱名難
也善吉具二者廣疏云一者凡夫住事八難不得無
難二者二乘住理八難不得無難善吉非唯住理八

難不得無難。亦於事入難。不得無難。據理亦應有於界外八難。今言具二者。只緣不能體斷見中。望於圓人俱名難也。唯圓菩薩脩中道觀者。廣疏云。圓菩薩脩中道正觀。住事理八難。皆得無難。大論至怨鳥者。論三十云。譬如空澤有樹。名奢摩黎。枝觚廣大。衆鳥集宿。一鵠後至。住一枝上。枝觚卽時爲之而折。澤神問言。鵠鷺皆能持住。何至小鳥。便不自勝。樹神答云。此鳥從我怨家樹來。食彼尼俱類樹子來。栖我上。或當放糞子墮地者。惡樹復生。爲害必大。是故懷憂。寧捨一枝不全者。大菩薩摩訶薩亦復如是。於諸外道天魔諸使及惡業等。無如是畏。如畏二乘於菩薩邊。亦如彼鳥壞敗大乘心。永滅佛乘心。論中以大斥小。故對二乘心正當界外惡道難也。

記云。難處謂北州難。時佛前後也。難根諸根不具也。難智世智也。住之者住於八難也。體之者達於八難。卽得無難也。化之者入難化他也。聞迦羅女琴者。亦如大樹緊那羅經云。大樹緊那王與無量兒及無量乾無量諸天奏八萬四千淨妙樂音來至佛所。絃歌

一動聲振大千須彌山王。踏沒低昂一切聲聞皆從座起。猶如舞戲。天冠菩薩問迦葉言。少欲知足。頭還陀第一。乃於今日猶如小兒奏別圓樂。而二乘不側發小乘之業者。此約供養小乘人已復聞小乘法者。若但供養而不聞法。但得人天福復不成小業。記云。俱相帶累者。我生惑惑潤我。故云俱也。四謗者。增減相違。戲論四也。只是小乘執於四門不能通理。卽名戲論而已。自述迷惑者。明須菩提不解衍門敬田之言。不解界外悲田之義。故云也。

記云。總相不知者。只不知是何法未能分別。故云總相不知。

記云。涅槃會上聲聞者。涅槃中二乘之人。雖取小果而皆知常。卽取卽行。故不問此。

記云。但是從理者。此約卽空而釋。故云從理也。經云。如來所作化人也。卽是幻化之人。而以此詰者。意云。旣從法身起其應化之人。詰於善吉能詰之人。旣是於化汝旣解空。何故懼此化人恭敬二田而詰耶。故云化事卽空。此用通教幻化者。且順經文幻化卽空。